



## **Universitätsbibliothek Paderborn**

**Diplomatvm Belgicorvm Libri Dvo**

**Le Mire, Aubert**

**Brvxellis, 1627**

76. Godefridus Peruesij dominus Argentonensis monasterij fundationem confirmat, an. 1230. Ioannes Leodicensis Episcopus Argentonium in protectionem suscipit, an. 1232.

**urn:nbn:de:hbz:466:1-10903**

## N O T A T I O.

**I**i quondam Aconensis Episcopi.) Designatur hīc Iacobus à Vītriaco, Aconensis in Syria Episcopus, cuius Historia Orientalis & Occidentalis, aliaque scripta exstant.

## C A P V T L X X V I.

*Godefridus Peruesij dominus Argentonensis monasterij fundationem confirmat an. 1230.*

**I**N nomine sanctæ & indiuiduæ Trinitatis. Vniuersis Christi fidelibus, tam præsentibus quam futuris, præsentes litteras inspectoris, ego GODEFRIDVS dominus de Peruez, Ducis Lotharingiæ fratris filius, cognoscere veritatem.

Vniuersitati vestræ notum facio, quod Willelmus de HARENTON, & vxor sua IDA, de licentia & voluntate mea, in eleemosynam contulerunt domui de Argenton, Cistertiensis ordinis, Leodiensis diœcesis, terras, aquas, silvas, prata & ædificia, cum molendino & rebus alijs, tam mobilibus quam immobilibus, quas habent & habituri sunt apud Harenton, nihil mihi iuris omnino, nihil sibi vel suis heredibus, successoribus, aut propinquis reseruando, præter usum fructum, quem dicti Willelmus & Ida in rebus supradictis, quamdiu vixerint, tantum sibi reseruauerunt, & se ptem bonaria terre, quæ iam dicti Willelmus & Ida domui Gemblacensi..... tenentur assignare post obitum suum, iure perpetuo possidenda.

In huius rei testimonium, ut hæc rata & inconcussa permaneant, præsentes litteras sigilli nostri munimine dignum duxi roborandas.

Præterea etiam omnibus innotescat, quod voluntate nostra & assensu, filiæ domini Thomæ militis de Smechim, scilicet Clara & Achias, domum monialium de Harenton possunt intrare, & ibidem de licentia nostra habitum assumere monialem. Datum anno Domini millesimo ducentesimo tricesimo, feria tertia post festum B. Laurentij. 1230.

A a a 3

JOANNES

*Ioannes Leodicensis Episcopus Argentonum in protectionem  
suscepit an. 1232.*

**I**OANNES, Dei gratia Leodiensis Episcopus, vniuersis praesentes litteras inspecturis in Domino salutem. Vnueritati vestra notum facimus, quod domum monialium de Argenton, Cisterciensis ordinis, & locum ipsarum sub nostra protectione recipimus; donum, quod eis contulit Willelmus de Harenton & ida vxor sua, auctoritate nostra confirmantes eisdem, & alia simili- ter que à fidelibus eis iuste & rationabiliter sunt collata.

**1232.** Datum anno Domini millesimo ducentesimo tricesimo secundo, mense Augusto, feria sexta post festum beati Laurentij.

### N O T A T I O N E S.

**P**ERVEZ) siue Perues, quod Antonino in Itinerario est Peruicia- cum, Gallo-Brabantiae municipium, titulo Baroniæ clarum, poten- tes olim dominos habuit, ex ipsa stirpe Ducum Brabantiae: cui stirps Hornana successit. Theodericus Hornanus, Peruesij & Duf- flæ dominus, an. 1375. tabulas Cortebergenses signauit.

Ducis Lotharingiae fratri filius.) Notent antiquitatis nostratis studiosi, Godefrido Peruesij domino patrem fuisse non Ducem, sed fratrem Ducis Brabantiae seu Lotharingiae inferioris.

### C A P V T LXXVII.

*Scladinense Canonicorum collegium, in agro & diocesi Namur- censi, an. 1229. dotatur à Florentio Abate S. Cornelij Indensis prope Aquasgrani.*

**F**Lorentius Dei gratia Abbas, totusque Conuentus Indensis Ecclesiæ, omnibus praesentes litteras inspecturis gratiam Dei & orationes.

Cum omne bonum à Deo sit, vnde omnis fidelis illud amare debeat & amplecti, per presentem scripturam notum facimus vniuersis, decimam totam grossam & minutam, quam habebamus & possi-